

漢魏六朝百三家集

北齊二人

魏特進集

第九十册

壽考堂藏板

魏特進集題詞

魏伯起少慚弄戟終免逐兔文章大
手激成于調笑一言鄭伯誠有功哉
魏書失實穢史流謗然裾撫宏博實
當時偉作論邢魏者以魏彷彿任樂安
邢彷彿隱侯余謂伯起生平文體得

之樂安固多若問史才隱侯宋書亦
其兄事也魏帝大射令群臣賦詩伯
起有尺書徵建鄴折簡召長安之句
高文襄壯之稱國光彩侯景寇叛伯
起草檄氣雄萬夫至言景竦悖棄若
孤鷁母戀戀亂臣勤勤賊子直南朝

藥石豈止騰聲北土哉魏齊文誥典
司最久世罕流傳作賦大才雅自期
許乃新殿南狩庭竹離懷諸篇亦未
得見使無魏書幾無以表著後代矣
且謗深陳壽而福踰崔浩尤從來史
官之極幸者也

李沐
婁東張溥題

采刺毒藥毒而餌餌皆部式并來中

樹無枝葉無書幾無以表著外外矣

荷代祿賜南祥或百鋪對前篇亦未

同是八世罕則對卦知大木銀自賦

藥不豈主銀藥北土諸賤齊友詰曲

魏特進集目錄

詔

爲武成帝以三臺官爲大興聖寺詔

爲魏禪齊詔

爲齊文宣西討詔

冊文

加齊王九錫冊文

禪齊帝冊文

啓

魏書十志啓

移文

爲侯景叛移梁朝文

爲東魏檄梁文

書

與李德林書

重遺李德林書

議

皇太子西面議

文

枕中篇

爲齊卽位告天文

北齊三部一切經願文

祭文

祭荊州刺史陰道方文

樂府

美女篇

永世樂

櫂歌行

挾琴歌

詩

後園宴樂

喜雨

看柳上鵲

晦日泛舟應詔

月下秋宴

五日

庭栢

蜡節

附錄

魏收傳

魏特進集卷全

齊鉅鹿魏收伯起著

明太倉張溥天如閱

詔

爲武成帝以三臺宮爲大興聖寺詔

門下皇居帝邑揆日瞻星仍雉有常几席斯在
雖今古推移文質代變而成世作範義貴適時
朕奄家四海作孚萬國當陽負宸深存庇毗濟
下利物無忘懷抱昭仁訓俗不遺造次今臨嚮

聽朝咸極崇廣、宴息之所、不足溫華、每謂爲之者勞、居之者逸、至於離宮別館、有時遊幸、耳目所及、聊可忘懷、而乃千門洞啓、萬柱周架、上迫雲漢、下臨雷雨、巧極金銅、麗殫珠璧、眷然長想、良非宿心、三臺竝列、蕪穢自久、天保之末、經構甫興、仍創棟宇、規模宏博、有司過實、匠人逞功、氓庶勞止、縻費難量、旣非殿寢正所、便爲虛衛之地、凝華生白、經歷歲年、不剪茅茨、事頗逼下、卑其宮室、有可庶幾、顧茲侈麗、豈伊甯處、自魏

朝失政，九域崩離，人神無主，實求明聖。我太祖
獻武皇帝，握茲乾紀，執斯地綱，懸持日月，嘯咤
風雲，紀忠貞以成務，感靈徵而大造，爰以克定
之初，躬圖道塲之業，神迹冥果，理燭幽明。朕嗣
膺寶祚，永惟家祉，仰祇先志，尚竦玄門，忍展聿
修之重，念歸喜捨之大，肌膚匪恡，國城何寶，期
濟率土，至於圓極，可以三臺宮爲大興聖寺，此
處極土木之壯，窮丹素之妍，奇怪備於刻削，光
華畢於圓彩，顧使靈心，膺嚮神物，彝會真覺，唯

寂有感必通、化爲淨土、廣延德衆、心若瑠璃、法輪常轉、灑甘露於大千、照慈燈於曠劫、

爲魏禪齊詔

三才剖判、百王代興、治天靜地、和神敬鬼、庇民造物、咸自靈符、非一人之大寶、實有道之神器、昔我祖宗、應運奄一區宇、歷聖重光、槃於九葉、德之不嗣、仍離屯圯、盜名字者、遍於九服、擅制命者、非止三公、主殺朝危、人神靡繫、天下之大、將非魏有、賴齊獻武王、奮揚靈武、剋剪多難、重

懸日月，更綴參辰，廟以掃除，國由再造，鴻勲巨業，無德而稱，逮文襄承構，世業逾廣，邇安遠服，海內晏如，國命已康，生生得性，迄相國齊王緯文經武，統茲大業，盡叡窮幾，研深測化，思隨冥運，智與神行，恩比春天，威同夏日，坦至心於萬物，被大道於八方，故百僚師師，朝無秕政，網疏澤洽，率土歸心，外盡江淮，風靡屈膝，辟地懷人，百城奔走，關隴慕義而請好，瀚漠仰德而致誠，伊所謂命世應期，寔撫千載，禎符雜遘，異物同

途謳頌填委，殊方一致。代終之迹斯表，人靈之契已合。天道不遠，我不獨知。朕入纂鴻休，將承世祀。籍援立之厚，延宗社之算。靜言大運，欣於避賢。遠惟唐虞禪代之典，近想魏晉揖讓之風。其可昧興替之禮，稽神祇之望。今便遜於別宮，歸帝位於齊國，推聖與能，眇符前軌。王者宣布天下，以時施行。

爲齊文宣西討詔

朕歷數在躬，志清四方。叢爾秦隴，久阻風化。混